

## FYLGISEÐILL: UPPLÝSINGAR FYRIR NOTANDA LYFSINS

**Valpress Comp 80 mg/12,5 mg filmuhúðaðar töflur**  
**Valpress Comp 160 mg/12,5 mg filmuhúðaðar töflur**  
**Valpress Comp 160 mg/25 mg filmuhúðaðar töflur**  
*Valsartan/hýdróklórtíazíð*

### Lesið allan fylgiseðilinn vandlega áður en byrjað er að nota lyfið.

- Geymið fylgiseðilinn. Nauðsynlegt getur verið að lesa hann síðar.
- Leitið til læknisins eða lyfjafræðings ef þörf er á frekari upplýsingum um lyfið.
- Þessu lyfi hefur verið ávísað til persónulegra nota. Ekki má gefa það öðrum. Það getur valdið þeim skaða, jafnvel þótt um sömu sjúkdómseinkenni sé að ræða.
- Látið lækninn eða lyfjafræðing vita ef vart verður aukaverkana sem ekki er minnst á í þessum fylgiseðli eða ef aukaverkanir sem taldar eru upp reynast alvarlegar.

### Í fylgiseðlinum eru upplýsingar um:

1. Upplýsingar um Valpress Comp og við hverju það er notað
2. Áður en byrjað er að nota Valpress Comp
3. Hvernig nota á Valpress Comp
4. Hugsanlegar aukaverkanir
5. Hvernig geyma á Valpress Comp
6. Aðrar upplýsingar

## 1. UPPLÝSINGAR UM VALPRESS COMP OG VIÐ HVERJU ÞAÐ ER NOTAÐ

Valpress Comp filmuhúðaðar töflur innihalda tvö virk efni, valsartan og hýdróklórtíazíð. Bæði efnin hjálpa til við að hafa hemil á háum blóðþrýstingi (háþrýstingi).

- **Valsartan** tilheyrir flokki lyfja sem nefnist angíótensín II viðtakablokkar, sem hjálpa til við að hafa hemil á háum blóðþrýstingi. Angíótensín II er efni í líkamanum sem veldur æðasamdrætti og þar með hækkuðum blóðþrýstingi. Valsartan verkar með því að hamla áhrifum angíótensíns II. Afleiðing þess er sú að það slaknar á æðunum og blóðþrýstingurinn lækkar.
- **Hýdróklórtíazíð** tilheyrir flokki lyfja sem nefnist þvagræsilyf af flokki tíazíða (einnig kallaður „þjúgtöflur“). Hýdróklórtíazíð eykur þvagmyndun en það lækkar einnig blóðþrýsting.

Valpress Comp er notað til meðferðar gegn háum blóðþrýstingi þegar ekki hefur náðst fullnægjandi stjórn á blóðþrýstingnum með einu virku efni.

Hár blóðþrýstingur eykur álag á hjarta og slagæðar. Ef meðferð er ekki beitt getur hann skemmt æðar í heila, hjarta og nýrum og leitt til heilablóðfalls, hjartabilunar eða nýrnabilunar. Hár blóðþrýstingur eykur hættu á hjartaáföllum. Með því að lækka blóðþrýsting í eðlileg gildi dregur úr hættu á þessum sjúkdómum.

## 2. ÁÐUR ER BYRJAD ER AÐ NOTA VALPRESS COMP

Verið getur að læknirinn hafi ávísað lyfinu við öðrum sjúkdómi eða í öðrum skömmtum en tiltekið er í þessum fylgiseðli. Ávallt skal fylgja fyrirmælum læknis og leiðbeiningum á merkimiða frá lyfjabúð.

### Ekki má nota Valpress Comp:

- ef þú ert með ofnæmi fyrir valsartani, hýdróklórtíazíði, sulfónamíðafleiðum (efni sem eru efnafræðilega skyld hýdróklórtíazíði), soja olíu, jarðhnetu olíu eða einhverju öðru innihaldsefni í Valpress Comp.
- **eftir þriðja mánuð meðgöngu** (einnig er betra að forðast að nota Valpress Comp snemma á meðgöngu – sjá kaflann „Meðganga“).
- ef þú ert með **alvarlegan** lifrarsjúkdóm.
- ef þú ert með **alvarlegan** nýrnasjúkdóm.

- ef þú getur ekki haft þvaglát.
- ef þú færð meðferð með gervinýra.
- ef þú ert með of lágt kalíum- eða natríumgildi í blóði, eða of hátt kalsíumgildi í blóði, þrátt fyrir meðferð.
- ef þú ert með þvagsýrugigt.

**Ef eitthvað af framangreindu á við um þig, skaltu ekki nota lyfið, heldur ráðfæra þig við lækinn.**

### **Gæta skal sérstakrar varúðar við notkun Valpress Comp**

- ef þú tekur kalíumsparandi lyf, kalíumuppbót, saltauppbót sem inniheldur kalíum eða önnur lyf sem geta aukið magn kalíums í blóðinu, svo sem heparín.  
Læknirinn gæti þurft að fylgjast reglulega með magni kalíums í blóðinu.
- ef þú ert með lítið kalíummagn í blóði.
- ef þú ert með niðurgang eða mikil uppköst.
- ef þú tekur stóra skammta af bjúgtöflum (þvagræsilyfjum).
- ef þú ert með alvarlegan hjartasjúkdóm.
- ef þú ert með þrengingu í nýrnaslagæð.
- ef þú hefur nýlega fengið nýtt nýra.
- ef þú ert með aldósterónheilkenni. Það er sjúkdómur sem felst í því að nýrnahetturarnar framleiða of mikið af hormóninu aldósteróni. Ef þetta á við er ekki mælt með notkun Valpress Comp.
- ef þú ert með nýrna- eða lifrarsjúkdóm.
- ef þú ert með hita, útbrot og liðverki, sem geta verið einkenni rauðra úlfa (SLE – systemic lupus erythematosus, sem er sjálfsnæmissjúkdómur).
- ef þú ert með sykursýki, þvagsýrugigt, mikið af kólesteróli eða blóðfitum í blóði.
- ef þú hefur sýnt ofnæmisviðbrögð við notkun annarra blóðþrýstingslækkandi lyfja í þessum flokki (angiotensín II viðtakablokkum) eða ef þú ert með ofnæmi eða astma.
- lyfið getur gert húðina viðkvæmari fyrir sólarljósi.

Ekki er mælt með notkun Valpress Comp fyrir börn og unglunga (yngri en 18 ára).

Þú verður að segja læknum frá því ef þú heldur að þú sért (eða gætir orðið) þunguð.

Ekki er mælt með notkun Valpress Comp snemma á meðgöngu og ekki má nota það eftir þriðja mánuð meðgöngu, því það getur haft alvarlegar afleiðingar fyrir barnið ef það er notað á því tímabili (sjá kaflann um meðgöngu).

### **Notkun annarra lyfja**

Látið lækinn eða lyfjafræðing vita ef önnur lyf eru notuð eða hafa nýlega verið notuð, einnig þau sem fengin eru án lyfseðils.

Það getur haft áhrif á meðferðina ef Valpress Comp er tekið samhliða sumum öðrum lyfjum.

Nauðsynlegt getur verið að breyta skammtinum, grípa til annarra varúðarráðstafana eða, í sumum tilvikum, að hætta notkun einhvers lyfs. Þetta á einkum við um eftirtalin lyf:

- litíum, sem er lyf við ákveðnum geðsjúkdómum
- lyf sem hafa áhrif á magn kalíums í blóði eða sem magn kalíums í blóði getur haft áhrif á, svo sem digoxín sem er lyf við hjartsláttaróreglu og sum geðrofslyf
- lyf sem geta aukið magn kalíums í blóði, svo sem kalíumuppbót, saltauppbót sem inniheldur kalíum, kalíumsparandi lyf og heparín
- lyf sem geta minnkað magn kalíums í blóði, svo sem barksterar og sum hægðalyf
- þvagræsilyf (bjúgtöflur), lyf til meðferðar við þvagsýrugigt, svo sem allópúrínól, meðferð með D-vítamíni eða kalsíum, lyf til meðferðar við sykursýki (sykursýkislyf til inntöku eða insúlín)
- önnur blóðþrýstingslækkandi lyf, svo sem betablokkar eða metýldópa, eða lyf sem draga saman æðar eða örva hjartað, svo sem noradrenalín og adrenalín
- lyf sem valda blóðsykurshækkun svo sem díazoxíð
- krabbameinslyf, svo sem metótrexat og cýclófosfamíð
- verkjalyf

- gigtarlyf
- vöðvaslakandi lyf svo sem túbócúrarín
- andkólinvirk lyf, svo sem atrópín og biperíden
- amantadín (lyf sem notað er til að fyrirbyggja influensu)
- kólestryramín og kolestipól (lyf sem notuð eru gegn blóðfituhækkun)
- ciclósporín, lyf sem notað er við líffæraflutninga til að koma í veg fyrir höfnun líffæris
- sum sýklalyf (tetracyklín), svæfingalyf og róandi lyf
- karbamazepín, lyf sem notað er við krömpum

### **Ef Valpress Comp er tekið með mat og drykk**

Taka má Valpress Comp með mat eða án.

Forðastu að neyta áfengis fyrr en þú hefur ráðfært þig við lækinn. Áfengi getur valdið aukinni blóðþrýstingslækkun og/eða aukið hættu á sundli eða yfirliði.

### **Meðganga og brjóstgjöf**

Leitið ráða hjá læknum eða lyfjafræðingi áður en lyf eru notuð.

- **Ef þú heldur að þú sért (eða gætir orðið) þunguð er nauðsynlegt að segja læknum frá því** Læknirinn mun að öllu jöfnu ráðleggja þér að hætta töku Valpress Comp ef þungun er ráðgerð eða um leið og þú veist að þú ert þunguð og ráðleggja þá að taka annað lyf í staðinn fyrir Valpress Comp. Ekki er mælt með að nota Valpress Comp fyrst á meðgöngu og alls ekki má taka það ef þungun hefur varað lengur en í 3 mánuði þar sem barnið getur hlotið alvarlegan skaða af notkun þess eftir þriðja mánuð meðgöngu.
- **Láttu lækinn vita ef þú ert með barn á brjósti eða í þann veginn að hefja brjóstgjöf** Ekki er mælt með að mæður með barn á brjósti noti Valpress Comp og læknirinn gæti valið aðra meðferð fyrir konur sem vilja hafa barn á brjósti, einkum ef barnið er nýburi eða fyrirburi.

### **Akstur og notkun véla**

Áður en byrjað er að aka farartæki, nota verkfæri eða stjórna vélum, eða stunda önnur störf sem krefjast einbeitingar, verður hver og einn að ganga úr skugga um áhrif Valpress Comp á sig. Eins og við á um mörg önnur blóðþrýstingslækkandi lyf getur Valpress Comp í mjög sjaldgæfum tilvikum valdið sundli og haft áhrif á einbeitingargetu.

Hver og einn verður að leggja mat á getu sína til aksturs og starfa sem krefjast óskertrar árvekni. Eitt af því sem getur haft áhrif á slíkt er lyf, vegna verkunar sinnar eða aukaverkana. Lýsing á verkun og aukaverkunum er í öðrum köflum fylgiseðilsins. Lesið því allan fylgiseðilinn. Ef þörf er á skal ræða þetta við lækni eða lyfjafræðing.

### **Mikilvægar upplýsingar um tiltekin innihaldsefni Valpress Comp:**

Lyfið inniheldur laktósa, ef óþol fyrir sykrum hefur verið staðfest skal hafa samband við lækni áður en lyfið er notað.

Lyfið inniheldur sojaolíu. Ef ofnæmi er til staðar fyrir jarðhnetum eða sojabaunum skal ekki nota lyfið. Valpress Comp 160/12,5 mg inniheldur að auki Sunset yellow FCF (E110) sem getur valdið ofnæmisviðbrögð.

## **3. HVERNIG NOTA Á VALPRESS COMP**

Notið Valpress Comp alltaf eins og læknirinn hefur sagt til um. Þetta eykur líkur á góðum árangri og dregur úr hættu á aukaverkunum. Ef þú ert ekki viss um hvernig á að nota lyfið leitaðu þá upplýsinga hjá læknum eða lyfjafræðingi.

Þeir sem eru með of háan blóðþrýsting eru oft einkennalausir. Mörgum líður alveg eðlilega. Því er enn mikilvægara að hitta lækinn reglulega, jafnvel þótt ekkert virðist ama að.

Læknirinn segir þér nákvæmlega hve margar töflur af Valpress Comp þú átt að taka. Það fer síðan eftir svörum þinni við meðferðinni hvort læknirinn telur að þú eigir að auka eða minnka skammtinn.

- Venjulegur skammtur af Valpress Comp er ein tafla á dag.
- Ekki má breyta skammtinum eða hætta töku taflanna án samráðs við lækninn.
- Lyfið á að taka á sama tíma á hverjum degi, venjulega að morgni.
- Taka má Valpress Comp inn með mat eða án.
- Gleypa á töfluna með glasi af vatni.

#### **Ef stærri skammtur en mælt er fyrir um er tekinn**

Komi fram mikið sundl og/eða aðsvif skal leggjast útaf og hafa tafarlaust samband við lækni. Hafi of margar töflur verið teknar inn fyrir slysi skal hafa samband við lækni, lyfjafræðing eða sjúkrahús.

Ef of stór skammtur af lyfinu hefur verið notaður, eða ef barn hefur í ógáti tekið inn lyfið skal hafa samband við lækni, sjúkrahús eða eitrunarmiðstöð (sími 543 2222).

#### **Ef gleymist að nota Valpress Comp**

Ef þú gleymir að taka skammt skalt þú taka hann um leið og þú manst eftir honum. Ef næstum er kominn tími fyrir næsta skammt skal hins vegar sleppa þeim skammti sem gleymdist. Ekki á að tvöfalda skammt til að bæta upp skammt sem gleymst hefur að taka.

#### **Ef hætt er að nota Valpress Comp**

Ef meðferð með Valpress Comp er hætt getur það leitt til þess að háþrýstingurinn versni. Ekki skal hætta notkun lyfsins nema að ráði læknis.

## **4. HUGSANLEGAR AUKAVERKANIR**

Eins og við á um öll lyf getur Valpress Comp valdið aukaverkunum en það gerist þó ekki hjá öllum. Þessara aukaverkana getur orðið vart í ákveðinni tíðni, sem skilgreind er sem hér segir:

- mjög algengar: koma fyrir hjá fleiri en 1 notanda af hverjum 10
- algengar: koma fyrir hjá 1 til 10 notendum af hverjum 100
- sjaldgæfar: koma fyrir hjá 1 til 10 notendum af hverjum 1.000
- mjög sjaldgæfar: koma fyrir hjá 1 til 10 notendum af hverjum 10.000
- koma örsjaldan fyrir: koma fyrir hjá innan við 1 notanda af hverjum 10.000
- tíðni ekki þekkt: ekki hægt að áætla tíðni út frá fyrirliggjandi gögnum

#### **Sumar aukaverkanir geta verið alvarlegar og þarfnast lækni meðferðar án tafar:**

Leitaðu tafarlaust til læknis ef fram koma einkenni ofsabjúgs, t.d.:

- þroti í andliti, tungu eða kverkum
- kyngingarörðugleikar
- ofsakláði og öndunarerfiðleikar.

#### **Aðrar aukaverkanir:**

##### *Sjaldgæfar*

- hósti
- lágur blóðþrýstingur
- vægur svimi
- vökvaskortur (ásamt einkennum á borð við þorsta, þurrk í munnni og á tungu, fátíð þvaglát, dökkleitt þvag og þurra húð)
- vöðvaverkir
- þreyta

- náladofi eða dofi
- þokusjón
- hljóð (t.d. hvinur, suð) í eyrum.

#### *Koma örsjaldan fyrir*

- svimi
- niðurgangur
- liðverkir.

#### *Tíðni ekki þekkt*

- öndunarerfiðleikar
- verulega minnkuð þvagmyndun
- lítið magn natríums í blóði (stundum ásamt ógleði, þreytu, ringl, lasleika og krömpum)
- lítið magn kalíums í blóði (stundum ásamt vöðvamáttleysi, vöðvakrömpum og hjartsláttaróreglu)
- fá hvít blóðkorn í blóði (ásamt einkennum á borð við hita, húðsýkingar, særindi í hálsi eða sár í munnvið vegna sýkinga og þróttleysi)
- aukið magn gallrauða í blóði (sem getur, í alvarlegum tilvikum, valdið gulnun húðar og augna)
- aukið magn þvagefnis og kreatíníns í blóði (sem getur bent til óeðlilegrar nýrnastarfsemi)
- aukið magn þvagsýru í blóði (sem getur, í alvarlegum tilvikum, valdið þvagsýrugigt)
- yfirlið.

**Aukaverkanir sem greint hefur verið frá í tengslum við notkun valsartans eða hýdróklórtíazíðs sitt í hvoru lagi, en hafa ekki komið fram við notkun Valpress Comp:**

#### Valsartan

##### *Sjaldgæfar*

- svimi (allt virðist hringsnúast)
- kviðverkir.

##### *Tíðni ekki þekkt*

- útbrot í húð, með eða án kláða, ásamt einhverjum af eftirtöldum einkennum: Hita, liðverkjum, vöðvaverkjum, eitlastækkunum og/eða flensulíkum einkennum
- útbrot, purpurarauðir blettir, hiti, kláði (einkenni æðabólgu)
- lítið magn blóðflagna (stundum ásamt óeðlilegum blæðingum eða mari)
- mikið magn kalíums í blóði (stundum ásamt vöðvakrömpum og hjartsláttaróreglu)
- ofnæmisviðbrögð (sem einkennast t.d. af útbrotum, kláða, ofsakláða, öndunar- eða kyngingarerfiðleikum eða sundli)
- þroti, einkum í andliti og koki, útbrot, kláði
- hækkun á mæligildum lifrarstarfsemi
- minnkun á magni hemóglóbíns og lækkun hlutfalls rauðra blóðkorna í blóði (sem getur hvort fyrir sig, í alvarlegum tilvikum, valdið blóðleysi)
- nýrnabilun.

#### Hýdróklórtíazíð

##### *Algengar*

- útbrot með kláða og aðrar gerðir útbrota
- minnkuð matarlyst
- væg ógleði og uppköst
- yfirliðstilfinning, yfirlið við að standa upp
- getuleysi

### *Mjög sjaldgæfar*

- þroti og blöðrumyndun í húð (vegna aukinnar viðkvæmni fyrir sólarljósi)
- hægðatregða, óþægindi í maga eða þörmum, lifrarsjúkdómar (gul húð eða augu)
- óreglulegur hjartsláttur
- höfuðverkur
- svefntruflanir
- depurð (þunglyndi)
- lítið magn blóðflagna (stundum ásamt blæðingum eða mari undir húð)

### *Koma örsjaldan fyrir*

- æðabólga ásamt einkennum á borð við útbrot, purpurarauða bletti eða hita
- kláði eða roði í húð
- blöðrumyndun á vörum, í augum eða munn
- húðflögnun
- hiti
- útbrot í andliti ásamt liðverkjum
- vöðvasjúkdómar
- hiti (rauðir úlfar í húð)
- verulegur verkur í efri hluta kviðar, skortur eða lítið magn ýmissa blóðfrumna
- veruleg ofnæmisviðbrögð
- öndunarerfiðleikar
- lungnasyking, mæði.

**Lítið lækinn eða lyfjafraeðing vita ef vart verður við aukaverkanir sem ekki er minnst á í þessum fylgiseðli eða ef aukaverkanir sem taldar eru upp reynast alvarlegar.**

Þar með er hægt að tilkynna aukaverkanir til Lyfjastofnunar og bæta þannig þekkingu á aukaverkunum. Sjúklingar og aðstandendur þeirra geta einnig tilkynnt aukaverkanir beint til Lyfjastofnunar. Leiðbeiningar eru á heimasíðu Lyfjastofnunar (sjá „Aukaverkanir“) [www.lyfjastofnun.is](http://www.lyfjastofnun.is)

## **5. HVERNIG GEYMA Á VALPRESS COMP**

Geymið þar sem börn hvorki ná til né sjá.

Geymið ekki við hærri hita en 30°C og í upprunalegum umbúðum.

Ekki skal nota Valpress Comp eftir fyrningardagsetningu sem tilgreind er á umbúðunum á eftir fyrnist. Fyrningardagsetning er síðasti dagur mánaðarins sem þar kemur fram

Ekki má fleygja lyfjum í skólplagnir eða heimilissorp. Leitið ráða hjá lyfjafraeðingi um hvernig heppilegast er að losna við lyf sem ekki þarf að nota lengur. Þetta er gert til þess að vernda umhverfið.

Ekki má skipta töflunum í tvennt.

## **6. AÐRAR UPPLÝSINGAR**

### **Hvað inniheldur Valpress Comp:**

- Virk innihaldsefni eru valsartan og hýdróklórtíazíð.  
Hver filmuhúðuð tafla inniheldur 80 mg af valsartani og 12,5 mg af hýdróklórtíazíði  
Hver filmuhúðuð tafla inniheldur 160 mg af valsartani og 12,5 mg af hýdróklórtíazíði  
Hver filmuhúðuð tafla inniheldur 160 mg af valsartani og 25 mg af hýdróklórtíazíði

- Önnur innihaldsefni eru: *töflukjarni*: laktósi, örkristölluð sellulósa, natríum krosskarmellósi, póvidon, talkúm, magnesíumsterat, vatnsfrí kísilkvoða,  
*Filmuhúð*:  
[80/12,5 mg töflur] pólívínýl alkóhól, macrógól 3350, talkúm, lesítín (inniheldur sojaolíu) (E322), títantvíoxíð (E171), rautt járnnoxíð (E172), gult járnnoxíð (E172) og svart járnnoxíð.  
[160/12,5 mg töflur] pólívínýl alkóhól, macrógól 3350, talkúm, lesítín (inniheldur sojaolíu) (E322), títantvíoxíð (E171), rautt járnnoxíð (E172), gult járnnoxíð (E172) og svart járnnoxíð, Sunset yellow FCF Aluminium lake (E110).  
[160/25 mg töflur] pólívínýl alkóhól, macrógól 3350, talkúm, lesítín (inniheldur sojaolíu) (E322), títantvíoxíð (E171), rautt járnnoxíð (E172), gult járnnoxíð (E172) og svart járnnoxíð.

#### Útlit Valpress Comp og pakkningastærðir:

Valpress Comp 80 mg/12,5 mg filmuhúðaðar töflur: Bleikar, sporöskjulaga, tvíkúptar filmuhúðaðar töflur, 11 x 5,8 mm, merktar “V” á öðrum fleti og “H” á hinum.

Valpress Comp 160 mg/12,5 mg filmuhúðaðar töflur: Rauðar, sporöskjulaga, tvíkúptar filmuhúðaðar töflur, 15 x 6 mm, merktar “V” á öðrum fleti og “H” á hinum.

Valpress Comp 160 mg/25 mg filmuhúðaðar töflur: Appelsínugular, sporöskjulaga, tvíkúptar filmuhúðaðar töflur, 15 x 6 mm, merktar “V” á öðrum fleti og “H” á hinum.

#### Pakkingarstærðir:

7, 14, 28, 30, 56, 98 og 280 töflur í þynnupakkingum eða plastglösum.

Ekki er víst að allar pakkningastærðir séu markaðssettar.

#### Markaðsleyfishafi:

Actavis Group PTC ehf.  
Reykjavíkurvegi 76-78  
220 Hafnarfjörður  
Ísland

#### Framleiðendur:

Actavis Ltd.  
BLB016 Bulebel Industrial Estate, Zejtun ZTN3000  
Malta

Genericon Pharma GmbH  
Hafnerstrasse 211  
A-8054 Graz  
Austurríki.

Balkanpharma – Dupnitsa AD  
3 Samokovsko Schosse Str.  
Dupnitsa 2600  
Bulgaria

#### Þetta lyf hefur markaðsleyfi í löndum Evrópska efnahagssvæðisins undir eftirfarandi heitum:

Ísland	Valpress Comp
Austurríki	Valsartan/HCT Actavis 80 mg/12,5 mg; 160 mg/12,5 mg; 160 mg/25 mg Filmtabletten
Búlgaría	Valtensin Plus
Kýpur	Valsotens HCT
Þýskaland	Valsartan-Actavis comp 80 mg / 12,5 mg Filmtabletten Valsartan-Actavis comp 160 mg / 12,5 mg Filmtabletten Valsartan-Actavis comp 160 mg / 25 mg Filmtabletten
Spánn	Valsartán/Hidroclorotiazida Actavis 80 mg/12,5 mg comprimidos EFG Valsartán/Hidroclorotiazida Actavis 160 mg/12,5 mg comprimidos EFG

	Valsartán/Hidroclorotiazida Actavis 160 mg/25 mg comprimidos EFG
Finnland	Valsartan/Hydroklortiazid Actavis 80 mg / 12,5 mg tabletti, kalvopäällysteinen Valsartan/Hydroklortiazid Actavis 160 mg / 12,5 mg tabletti, kalvopäällysteinen Valsartan/Hydroklortiazid Actavis 160 mg / 25 mg tabletti, kalvopäällysteinen
Ungverjaland	Valsotens HCT 80/12,5mg 160/12,5mg 160/25mg tableta
Malta	Valsotens HCT
Noregur	Valsartan/Hydroklortiazid Actavis
Pólland	Valsotens HCT
Portúgal	Valsartan + Hidroclorotiazida Actavis
Rúmenía	Valsartan HCT Actavis 80/12.5 mg comprimate filmate Valsartan HCT Actavis 160/12.5 mg comprimate filmate Valsartan HCT Actavis 160/25 mg comprimate filmate
Slóvakía	Valtensin 80/12.5 mg. Valtensin 160/12.5 mg. Valtensin 160/25 mg
Slóvenía	Valsartan/Hydroklortiazid Actavis 80/12.5 mg. Valsartan/Hydroklortiazid Actavis 160/12.5 mg. Valsartan/Hydroklortiazid Actavis 160/25 mg

**Þessi fylgiseðill var síðast samþykktur í desember 2010.**